

3 BENTA

Un instrumento musical cu casi nos no ta mira den Antillas mas, ta e BENTA. Esun cu una ves a jeg'i tende e benta, cu su tono haltu y cu ta sweef, lo a keda babuká.

E instrumento aki ta bin for di influencianan africano den nos cultura, cu e catibonan di antes a bin cu ne. (Mas tantu na Corsow.) E benta ta consistí di un taki di kawara cu ta dobla den forma di boog. E fin nan di e taki ta mara cu un fibra di e bladji coco. (Pues un re-pi cu bo por saka for di un hal'i coco). Esaki ta e cuerde.

E instrumento aki ta wordu toká door di hinka e cuerde entre bo lipnan, cu bo boka habri. Ariba e parti di e cuerde, dilanti bo boka habrí, bo ta bati cu un taki fini. Cu esaki bo ta produci un sonido haltu y cu ta

“sweef”. E tono mes ta wordu reglá door di toka e fin di e cuerde abou cu un cuchiw of algo otro di metal. E tono tambe por wordu reglá door di habri of sera bo boka mas.

Hopi prome e benta tawata jama mas romantico “pechu di calumba”.

Calumba mester tawata un baile bruto (Estilo lama brabo). Den e baile aki e parehanabail dal otro, preta otro y stoot otro cu nan pechu. E palabra benta tin significacion tambe di tira, bentá.

E benta mas tantu ta (of tawata) wordu acompaña cu un tambú, wiri y triangulo.

Parece cu na Surnam y Jamaica tambe nan conoce e benta.